



(ciep geiz gonq)

Caengh haeux sat le, boubx caengh haeux gau bonj boubh'iq he hawj daxmeh, bonj boubh neix heuhguh boubh "gyau haeuxliengz", gwnz boubh raiz miz mingzcoh boubxcawjranz, ndaw boubh raiz miz bi lawz ngoenz lawz gyau haeux geijlai gaen.

Haemhhaenx dauq daengz ranz le, daxmeh couh dawz bonj boubh "gyau haeuxliengz" neix yo daengz ndaw habroi bae, doiq dou geij beixnuengx naeuz: "Sou gaej doengh gij boubh ndaw rabroi neix o, ra mbouj raen raeuz couh deng bae gyau baez ngeih, yienghneix gij haeux raeuz couh mbouj gaeuq gwn gvaq bi lo."

Aenvih cimz gvaq dungxiek, seizhaenx mbouj lau mbouj miz buhvaq daenj, ngamq lau mbouj miz haeux gwn, dingq daxmeh baenzneix gangi, dou engq mbouj gamj doengh aen habroi daxmeh. Daj bihaenx hwnj, ndaw habroi daxmeh bibi couh lai miz bonj boubh gyau haeuxliengz ndeu.

Doengh bi haicin le, daxmeh couh yien cwz okbae cae reih ndaemhaeux, dou geij beixnuengx boubx ndaej guh gijmaz couh guh gijmaz, ndaemhaeux seiz, gou cuengq ceh, daeg nuengxngaih dwk bwnh, nuengx sam nuengx seiq lumx namh, cungj dwg boubxboubx miz hong guh, doengzcaez bang daxmeh dajndaem, mbouj ndaej youq hoengq, sinhoj dwg sinhoj, hoeng mizrengz guh.

Seizhah, haeuxyangz sou sat le, daxmeh couh fan reih ndaem duhhenj, seizhaenx duhhenj gai baenzngaenz, daxmeh dwg ndaw mbanj boubx daih'it ndaem duhhenj, vnzmbanj raen daxmeh ndaem duhhenj ndaej ngaenz, gvaqlaeng boubxboubx cungj ndaem lo, duhhenj dajsou daengz ranz, fad aeu naed, daksauj couh miz lauxbanj daengz ndaw mbanj sou, miz bi gaen caet, bet gak ngaenz, miz bi gaen ndaej maenz ngaenz.

Yahdaiq rox guh daeuhfouh, daxmeh caengz okhaq seiz couh gaen yahdaiq guh gvaq daeuhfouh. Daxmeh naeuz gai duhhenj mbouj ndaej ngaenz, guh daeuhfouh gai, ndaej canh maenz gwnz maenz laj, daeuhfouh gai ndaej ngaenz, gij nyaq daeuhfouh lij ndaej aeu daeuj ciengxmou. Couh yienghneix, daxmeh couh bwh doxgaiq doenghfwngz guh daeuhfouh. Ranz gou dwg ndaw mbanj boubx daih'it guh daeuhfouh.

Seizhaenx nohmou noix, daeuhfouh ndei gai, banringz gvaq daeuhfouh baez guh okdaeuj, vnzmbanj couh daeuj cawx, mizseiz mbanj gyawj lij miz vnz daeuj cawx dem, ngoenz guh geijlai gaen cungj mbouj gaeuq gai. Guh daeuhfouh hong lai, mboujdwg naeuz guh couh guh, daxmeh baeg lai, ngoenz cij ndaej guh ngeihcib lai gaen duh, daeuhfouh ngoenzngoenz ndaej gai liux couh baenz. Daj guh daeuhfouh le, ranz gou nanz mbouj nanz couh ndaej gai mou aeu ngaenz dem.

Aen Habroi Daxmeh

母亲的梳妆盒

□ Yiz Ciz/余执

Faen reih seiz, ranz gou faen ndaej song duz yiengzmeh haenx, bibi roengzlwg, bibi miz yiengz gai lo, geij bi roengzdaeuj, ranz gou haeux gaeuq gwn, ngaenz gaeuq yungh, daxmeh naeuz: "Gwn imq daenj raeuj lij mbouj ndaej ndeindei gvaqciuh, sou aeu bae doegsaw cij ndaej, boubxlawz mbouj doegsaw, daengzcog couh dwg guh hongreih hongnaz hix guh mbouj baenz."

Mwhhaenx, lajmbanj mbouj miz geijlai boubx nyienh soengq lwg hauejhag, boubxgeq cungj muengh lwgmbwk lwgsai vaiqdi ndaej bang ndaw ranz guhhong, daegbied dwg doeg sat siujyoz le, couh mbouj miz geijlai boubx bae doegsaw, it dwg hagdangz liz ranz gyae, ngeih dwg ndaw ranz hong lai. Dou geij beixnuengx cungj dingq vah, boubxboubx cungj hauejhag doegsaw.

Daxmeh conz miz di ngaenz, de couh cingj boubxcangh guhranz daeuj, dawz ranzgaeuq doemq bae lingh guh ranzmoq. Guh ranz hong lai boubx ndeu ganq mbouj gvaqdaeuj, de couh cingj vnzmbanj daeuj bang, seizhaenx cingj vnz banghong mbouj yungh ngoenz hawj geijlai ngaenz, cij aeu banngoenz miz haeux miz byaek ciengx gwn, banhaemh gwncaeuz miz di noh he dakdaih couh baenz, boubx bang boubx, miz mwngz miz gou, daxmeh ndaej hoengq hix ciengzciengz bae bang vnzmbanj guhhong.

Daeg nuengxngaih gou gauj ndaej daihhag, daxmeh dawz aen habroi okdaeuj, daj ndaw habroi yut aeu geij mbaw ngaenz ndenq hawj daegnuengx naeuz: "Neix dwg ngaenzci caeuq ngaenz lingzyungh, daengz hagdangz le aeu ndeindei hagsib."

Daegnuengx bae lo, daxmeh yo aen habroi hwnj, daengq naeuz: "Sou gaej doengh aen habroi o, ndawde miz di ngaenz, gaeuq sou doegsaw, gaeuq ranz raeuz doenghngoenz sawj-yungh."

Daxmeh baez miz souhaeuj couh dawz ngaenz yo daengz ndaw habroi bae, yaek yungh ngaenz couh daj ndaw habroi aeu okdaeuj. Geij lai bi gvaqbae, dou cungj mbouj gamj doengh aen habroi daxmeh.

Miz ngoenz ndeu, daxmeh baehaw le, gou laeglemx dawz aen habroi okdaeuj, dajsuenq yawj ndawde miz geijlai ngaenz. Gou rag hai aen fa habroi, ndaw habroi baihgwnz cuengq miz ciengq baengzhoengz he, dawz ciengq baengzhoengz deuz couh raen miz song sam mbaw ngaenz caeuq bonj boubh conzngaenz ndeu, ndaw boubh geiq miz hajbak samcib bet maenz. Gou gig doeksaet, seizhaenx gai duzmou he ceiqlai hix ndaej bak lai maenz ngaenz, boubx dang lauxsae roxnaeuz boubx dangdaeuj ndwen hix cij ndaej ngeihcib lai samcib maenz ngaenz. Daxmeh gaenq miz baenzlai ngaenz lo, raen daengz gijneix, gou nyinhnaeuz ranz gou fatcaiz lo, angq ndaej geij hwnz ninz mbouj ndaek bae.

Meh mbwn baez bienq, saeh' angq couh gienh ciep gienh gyonj daeuj. Faen reih daengz ranz mbouj geijnanz, vnz lajmbanj couh boubx rag boubx okrog bae dajgoeng lo, gou dwg ndaw mbanj boubx doeg gvaq gauhcungh ndeu, vnz yaek aeu gou youq ndaw mbanj sonsaw, ndwen hajcib bet maenz, guh mbouj guh, gou gaem mbouj dawz cawjeiq. Daxmeh naeuz: "Dang lauxsae sonsaw, dwg gienh saeh miznaj ndeu, ngaenz noix di cix noix, raemxrij lij ndaej lae baenz dah, mwngz lij dwg youq ranz sonsaw ba."

Seizneix naemjnaemj, danghnaeuz seizhaenx gou couh okbae dajgoeng, mbouj rox miz mbouj miz ngoenzneix. Seizneix, dou geij beixnuengx boubxboubx miz hong guh, boubxboubx baenzgya baenzdangq, ranzranz miz gwn miz daenj. Daxmeh hix ciemh ngoenz ciemh geq lo.

Dou geij beixnuengx cungj youq ndawsingz miz ranz an'gya. Daxmeh mbouj caiq guh reihnaz, de hix dawz gij dinfwngz guh daeuhfouh haenx son hawj vnz ndaw mbanj, laemxsim daengz ndaw singz caeuq dou youq, maij youq ranz lawz couh bae ranzde.

Miz ngoenz ndeu, daxmeh naeuz caeuq dou gwn youq mbouj fuengbienh, mbouj swyouz, naemj gag gwn gag youq, dou dingq de, hawj de gag gwn gag youq.

Dou geij beixnuengx boubxboubx ok di ngaenz, cawx aen ranziq ndeu hawj daxmeh. Binghsiengh, gunghdiuz, caijden, sahfaz, daizdaengq cungj cawx hawj de, ndaw ranz yienghyiengh moqsaksak, denzmbinj, buhvaq, haizmauh, vanj dawh gij doxgaiq gaeuq hab soengq vnz couh soengq vnz, hab vut bae couh vut bae cungj mbouj hawj de caiq yungh.

Buen hauej ranzmoq ngoenzhaenx, daxmeh dawz aen habroi gab youq lajeiq, couh lumj lau aen de doek bae nei, gou naemj bang de dawz hix dawz mbouj ndaej.

Daeujdaengz ranzmoq, daxmeh lijdwg ciuqyiengh dawz aen habroi cuengq youq gyauejninz de, gou naeuz: "Meh, mwngz yaek yungh siengnaeng, siengdiet, sienglij roxnaeuz siengdoengz dou bae cawx hawj mwngz, aen habroi neix gaeuq lai lo, yakyawj lai ni, baenz vut bae mbouj yungh lo."

Daxmeh naeuz: "Couh dwg sienggim gou hix mbouj aeu, gou couh yungh aen habroi neix."

Mbouj rox dwg seizneix doxgaiq daiq lai roxnaeuz gij doxgaiq ndaw habroi daxmeh doiq dou daeuj gangi gaenq mboujmiz gijmaz citgeiz, geijcib bi daeuj, dou mbouj miz boubxlawz bae doengh aen habroi daxmeh, engq mboujmiz boubxlawz hai gvaq aen habroi daxmeh.

Daxmeh gvaq betcib sam bi ngoenzseng haemhhaenx, lwglwg lanlan cungj daeujdaengz caez, yaek gwncaeuz seiz, daxmeh dawz aen habroi okdaeuj naeuz: "Aen habroi neix buenx gou ciuhvunz he lo, miz saekngoenz gou dai le, sou aeu hawj boubx he bang gou yo ndei."

Daxmeh gangjsat, hai habroi hawj daihgaya yawj, gyoengq lwgnyez mbouj citgeiz, boubxboubx aiq yawj mbouj yawj, dou geij beixnuengx roxnyinh geizheih lai, boubxboubx cuengq gij hong gyangfwngz, cung daengz doiqnaj daxmeh bae yawj habroi. Cijraen ndaw habroi yo miz cib geij bonj boubh geiq goengfaen, cib geij bonj boubh gyau haeuxliengz caeuq mbaw gaj yihbauj ndeu, mbaw gaj sebauj ndeu, mbaw gaj ngaenzhangz ndeu.

